



ს.ს.ი.პ. საგანმანათლებლო დასამეცნიერო
ინფრასტრუქტურის განვითარების სააგენტო



სატენდერო დოკუმენტაცია

სსიპ საგანმანათლებლო და სამეცნიერო ინფრასტრუქტურის განვითარების სააგენტო”-ს 2014 წლის ბიუჯეტის ფარგლებში, სააგენტოს ბალანსზე რიცხული 7 ერთეული

ავტომობილის დაზღვევის მომსახურების სახელმწიფო შესყიდვა

გამარტივებული ელექტრონული ტენდერი

თბილისი

2014 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დავალება
3. სახელმწიფო შესყიდვის შესახებ ხელშეკრულების პროექტი
4. დანართი N1, რეკვიზიტები
5. დანართი N2, ფასების ცხრილი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადსმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული წინადადება.

2.1 სატენდერო წინადადების ფასი:

2.1.1 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, სავარაუდო ღირებულება შეადგენს **7084** ლარს.

2.1.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3. ტექნიკური დოკუმენტაცია

3.1. სატენდერო წინადადების ფასი;

3.2. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.3. ტენდერში არ გამოიყენება ხელშეკრულების უზრუნველყოფის საბანკო გარანტია.

4. ანგარიშსწორების პირობები:

4.1 ანგარიშსწორება მოხდება უნაღდო ანგარიშსწორებით ლარში;

4.2 ანგარიშსწორება მოხდება მხარეთა შორის მიღება-ჩაბარების აქტის გაფორმებიდან არა უგვიანეს 20 კალენდარული დღის ვადაში.

4.3. წინასწარი საავანსო ანგარიშსწორება არ გამოიყენება.

4.4 დამატებითი ინფორმაცია:

- დამატებითი ინფორმაცია დაინტერესებულ პირებს შეუძლიათ მიიღონ მისამართზე: ქ. თბილისი, ალექსიძის ქ. N1, შენობა-ნაგებობა 1; მე-2 სართული, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, სატენდერო კომისიის აპარატი, საკონტაქტო პირი მურთაზ სიჭინავა, ტელ: 577 15 20 50 და დავით მესხიშვილი ტელ: 577 17 11 88;

ტექნიკური დავალება

1. შესყიდვის ობიექტი: სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს კუთვნილი სატრანსპორტო საშუალებების (ავტოსატრანსპორტო) დაზღვევა მომსახურების გაწევის ვადები – 2014 წლის 31 დეკემბრის ჩათვლით. დაფინანსების წყარო – 2014 წლის სახელმწიფო ბიუჯეტი.

დასაზღვევი სატრანსპორტო საშუალებების ნუსხა:

N	მოდელი	გამოშვების წელი	ავტომობილის სახ. ნომერი	ძრავის მოცულობა	ტრანსპორტის საიდენტიფიკაციო N	საბალანსო ღირებულება (ლარი)
1	Mitsubishi L200	2012	CJC-809	2500	MMBJNKB40CD011851	48218.00
2	Kia Rio	2012	CJC-980	1400	KNADN512BC6755719	22111.20
3	Kia Sportage	2011	FCF-580	2000	KNAPC811DC7255617	30706.32
4	Kia Cerato	2011	FCF-442	1600	KNAFU411BC5541312	22348.80
5	Hyundai elantra	2011	FCF-171	1800	KMHD41EBCU315806	21751.21
6	Hyundai elantra	2011	FCF-172	1800	KMHD41EBCU315706	21751.21
7	Hyundai elantra	2011	FCF-173	1800	KMHD41EBCU315919	21751.21

აუცილებელი პირობა:

ავტოსატრანსპორტო საშუალებების დაზღვევა უნდა ფარავდეს შემდეგ რისკებს:

- ავტოსაგზაო შემთხვევა;
- ქურდობა, ყაჩაღობა;
- ხანძარი/აფეთქება;
- ბოროტგანზრახული ქმედება, ვანდალიზმი, საგნების ვარდნა;
- სტიქიური მოვლენები (სეტყვის, წყალდიდობის და ა.შ. ჩათვლით);
- მინების, სარკეების, დეტალებისა და აქსესუარების დაზიანება ან/და ქურდობა.

ფრანშიზა თითოეული რისკის მიხედვით

- ა) ნაწილობრივი ზიანის შემთხვევაშია – 0%.
- ბ) სრული ზიანის შემთხვევაში – 0%.

შენიშვნა: სატრანსპორტო საშუალებების დაზღვევა უნდა მოიცავდეს ასევე მათ მფლობელთა სამოქალაქო პასუხისმგებლობის დაზღვევას მესამე პირის მიმართ, ლიმიტი – 50 000 \$. ტერიტორიული ფარგლები: საქართველო

2. პრეტენდენტებმა ასევე ელექტრონულ სისტემაში უნდა ატვირთონ:

- ა) ინფორმაცია ანგარიშსწორების პირობების შესახებ;
- ბ) შესაბამისი ორგანოს მიერ დაზღვევის სახეობის მიხედვით გაცემული ლიცენზია (წარმოდგენა სავალდებულოა);
- გ) რეკვიზიტები (დანართი N1);
- დ) ინფორმაცია ზიანის ანაზღაურების წესისა და პირობების შესახებ (როგორ განისაზღვრება ზიანი, მისი ოდენობა, როგორ მოხდება სადაზღვევო ზარალის ანაზღაურება);
- ე) ავტოტრანსპორტ(ებ)ის გასხვისების შემთხვევაში შესაძლებელი უნდა იყოს შესაბამისი თანხით სადაზღვევო პრემიის შემცირება. ასეთ შემთხვევაში (სატრანსპორტო საშუალებების გასხვისება) სსიპ „საგანმანათლებლო და სამეცნიერო ინფრასტრუქტურის განვითარების სააგენტო სადაზღვევო კომპანიას წერილობით შეატყობინებს გასხვისებიდან არაუგვიანეს 5 სამუშაო დღისა. დაზღვეული სატრანსპორტო საშუალებების სიიდან მისი ამოღება და შესაბამისი თანხით თვის ჯამური სადაზღვევო პრემიის შემცირება უნდა მოხდეს მომდევნო საანგარიშო თვიდან).
- ვ) შემოთავაზებული პრემია უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, მათ შორის სადაზღვევო პოლისების დამზადების ღირებულებას. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით).
- ზ) ფასების ცხრილი დანართი N2-ის შესაბამისად.

ხელშეკრულების პროექტი
(კონკრეტული პირობები დაზუსტდება სატენდერო წინადადების
შინაარსის გათვალისწინებით)
ხელშეკრულება სახელმწიფო შესყიდვის შესახებ № _____

ქ. თბილისი „----“ „-----“ 2014 წ.

1. ხელშეკრულების საერთო პირობები

1.1 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.

1.2. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.2.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - წინამდებარე ხელშეკრულება, რომელიც შედგება ხელშეკრულების საერთო პირობების, ხელშეკრულების სპეციფიკური პირობების (ავტომოტოტრანსპორტის დაზღვევის ხელშეკრულება/პირობები), ავტომოტოტრანსპორტის დაზღვევის სერტიფიკატების (ეს უკანასკნელი გაიცემასათითაოდ თითოეულ ავტოსატრანსპორტო საშუალებაზე), დაზღვევის განაცხადი-ანკეტის და დანართისგან №1 (ინფორმაცია დასაზღვევიავტოსატრანსპორტო საშუალებების შესახებ) რომლებიც წარმოადგენენ წინამდებარე სახელმწიფო შესყიდვების შესახებ ხელშეკრულების განუყოფელ ნაწილს და განიხილება როგორც ერთი მთლიანი იურიდიული ძალის მქონე დოკუმენტი.

1.2.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრივალდებულებების სრულად და ჯეროვნად შესრულებისათვის.

1.2.3 “შემსყიდველი” (შემდგომში – „შემსყიდველი“) – ორგანიზაცია(დაწესებულება), რომელიც ახორციელებს შესყიდვას, ამ ხელშეკრულების მიზნებისთვის დამზღვევი;

1.2.4 “მიმწოდებელი” ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში, ამ ხელშეკრულების მიზნებისთვის მზღვეველი

1.2.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების მხარეები

2.1 ერთი მხრივ, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ წარმოდგენილი _____ სახით (შემდგომში “შემსყიდველი”) და მეორე მხრივ, _____ მისი დირექტორის _____ სახით (შემდგომში „მიმწოდებელი“), სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ აპარატის დაფინანსების ფარგლებში დებენ წინამდებარე ხელშეკრულებას შემდეგზე:

3. ხელშეკრულების საგანი

3.1. წინამდებარე ხელშეკრულების საგანს წარმოადგენს სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს სახელზე რიცხული ავტოსატრანსპორტო საშუალების დაზღვევის და ავტომობილთა სამოქალაქო პასუხისმგებლობის ნებაყოფლობითი დაზღვევის მომსახურების შესყიდვა.

4. ხელშეკრულების ღირებულება

4.1 ხელშეკრულების საერთო ღირებულება შეადგენს _____

4.2 ერთეულის ფასები მოცემულია დანართი №2-ში, რომელიც წარმოადგენს ხელშეკრულების განუყოფელ ნაწილს.

4.3 ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

5. შესყიდვის ობიექტის განხორციელების პირობები

5.1 მიმწოდებელმა _____ ჩათვლით უნდა უზრუნველყოს დანართი N1-ით განსაზღვრული _____ ერთეული ავტოსატრანსპორტო საშუალების სადაზღვევო მომსახურების გაწევა ავტომობილტრანსპორტის დაზღვევის და ავტომობილთა სამოქალაქო პასუხისმგებლობის ნებაყოფლობითი დაზღვევის პირობების შესაბამისად.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება ფორმდება საანგარიშო თვის ბოლო რიცხვში მიღება-ჩაბარების აქტით, რის საფუძველზეც „მიმწოდებელი“ „შემსყიდველს“ წარუდგენს შესაბამის ფინანსურ დოკუმენტაციას.

7. ანგარიშსწორების ფორმა და ვადები

7.1. „მიმწოდებელთან“ ანგარიშსწორება ხორციელდება უნაღლოანგარისწორებით ეროვნულ ვალუტაში.

7.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი შესაბამისი ფინანსური დოკუმენტაცია.

7.3 „მიმწოდებელთან“ ანგარიშსწორება ხორციელდება 7.2. პუნქტში განსაზღვრული პროცედურების დასრულების შემდეგ 20 (ოცი) კალენდარული დღის ვადაში.

7.4 მიღება-ჩაბარების აქტის წარმოდგენლობის შემთხვევაში არ მოხდება თანხის გადახდა.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს თანხის დროული გადახდა.

8.2 „შემსყიდველს“ უფლება აქვს:

8.2.1. მოითხოვოს ხარისხიანი მომსახურების გაწევა ხელშეკრულებით გათვალისწინებულ ვადაში.

8.2.2 აწარმოოს ხელშეკრულების პირობების შესრულების მონიტორინგი.

9. მხარეთა ვალდებულებები

9.1. „მიმწოდებელი“ ვალდებულია:

9.1.1 დადგენილ ვადაში მე-5 მუხლის შესაბამისად უზრუნველყოს „შემსყიდველი“ ხარისხიანად გაწეული მომსახურებით.

9.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2. „შემსყიდველი“ ვალდებულია:

9.2.1 უზრუნველყოს „მიმწოდებლისათვის“ თანხის გადახდა მიღება-ჩაბარების აქტის გაფორმებიდან 20 (ოცი) კალენდარული დღის განმავლობაში.

9.2.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არგამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური

მოვლენებით, ეპიდემიით, კარანტინით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. ხელშეკრულების პირობების და ღირებულების გადასინჯვა

11.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა.

11.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

12. სადავო საკითხების გადაწყვეტა

12.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოავგარონ ურთიერთშეთანხმების გზით.

12.2. მხარეებმა, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლია მიმართონ სასამართლოს.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

14. ხელშეკრულების მოქმედების ვადა

14.1. წინამდებარე ხელშეკრულების მოქმედების ვადა განისაზღვრება _____ ჩათვლით.

15. მხარეთა მიერ ვალდებულებების შეუსრულებლობა

15.1. ხელშეკრულებით ნაკისრი ვალდებულებების შეუსრულებლობის ანარაჯეროვნად შესრულების შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,5%-ის ოდენობით ყოველ ვადაგადაცილებულდღეზე.

15.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

16. ხელშეკრულების კონტროლი

16.1. ხელშეკრულების შესრულების კონტროლს განახორციელებს ფინანსური და მატერიალური რესურსების მართვის სამსახურის თანამშრომლი/ები -----

16.2. შემსყიდველს ან მის წარმომადგენლებს უფლება აქვთ განახორციელონ მომსახურების ხარისხის კონტროლი.

16.3. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით

გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

16.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

16.5 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

17. ხელშეკრულების შესრულების გარანტია

17.1 ხელშეკრულების შესრულების უზრუნველყოფის მიზნით “მიმწოდებლის” მიერ წარმოდგენილი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს “მიმწოდებლის” მიერ ხელშეკრულების პირობების შეუსრულებლობის ან არასრული შესრულების გამო (საბანკო გარანტიის მოქმედების ვადა 30 დღით უნდა აღემატებოდეს ხელშეკრულების მოქმედების ვადას).

17.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ “შემსყიდველი ვალდებულია დაუბრუნოს “მიმწოდებელს” ხელშეკრულების შესრულების უზრუნველყოფის საბანკო გარანტია.

18. ხელშეკრულების ენა

18.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

19. ხელშეკრულების შეწყვეტა

19.1. ხელშეკრულება შეიძლება შეწყვეტილ იქნეს:

ა) მომსახურების გაწყვეთ.

ბ) მხარეთა შეთანხმებით.

გ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

20. განსაკუთრებული პირობები

20.1. ხელშეკრულება შედგენილია 3 ეგზემპლარად და თითოეულ მათგანს აქვს თანაბარი იურიდიული ძალა.

20.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი – „შემსყიდველთან“.

შემსყიდველი:

მიმწოდებელი:

დანართი N1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

საიდენტიფიკაციო კოდი:

დანართი N2

N	მოდელი	გამოშვების წელი	ავტომობილის სახ. ნომერი	ძრავის მოცულობა	ტრანსპორტის საიდენტიფიკაციო N	საბალანსო ღირებულება (ლარი)	სადაზღვევო პრემია 11 თვეზე (ლარი)
1	Mitsubishi L200	2012	CJC-809	2500	MMBJNKB40CD011851	48218.00	
2	Kia Rio	2012	CJC-980	1400	KNADN512BC6755719	22111.20	
3	Kia Sportage	2011	FCF-580	2000	KNAPC811DC7255617	30706.32	
4	Kia Cerato	2011	FCF-442	1600	KNAFU411BC5541312	22348.80	
5	Hyundai elantra	2011	FCF-171	1800	KMHD41EBCU315806	21751.21	
6	Hyundai elantra	2011	FCF-172	1800	KMHD41EBCU315706	21751.21	
7	Hyundai elantra	2011	FCF-173	1800	KMHD41EBCU315919	21751.21	